



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS,
manè discutienda in Scholis Medicorum, die Jovis undecimo mensis
Januarii, anno Domini M. DCC. XLVIII.

M. CLAUDIO PERSON, Doctore
Medico, Præside.

An parcior Obes, quam Macilentis Sanguinis missio?

I.



NTIQUISSIMUM Medicinæ subsidium sanguinis
emissio, quo tetra morborum cohors frequenter debellatur.
Frustrâ tamen adversus omnes, quibus opprimitur humana
gens aggritudines, promiscuè venæ-sectionem adhibueris. *San-*
guinem (a) incisâ venâ mitti novum non est, sed nullum penè
mortuum esse in quo non mittatur, novum est. Anceps veluti gladius,
prout eo incautè vel prudenter utaris, mortem infert aut salutem. Hanc
imperare, facillimum; rectè præscribere, nihil forsân difficilius. Ipsius op-
portunitas, sedes, sanguinis emittendi copia totidem sunt cautiones, quas

Δ

(a) Cels. lib.
2. cap. 10. pag.
77.

nemo, nisi vir prudens Medicinæ principii instructus, rectè poterit observare. Debilis & pallida chlorosi puella langueat; totum inerti liquido tumefactum gravatur oneraturque corpus, deficit natus partium vigor, vixque torpentia potest movere membra: huic si sanguinem extrahis, vitæ fons naturæque thesaurus tollitur, viscerumque omni sublato robore, superflus extinguitur flammula vitalis. Ardenti corripitur febre in ætatis flore & roboris æquum constitutus juvenis; en magno fertur impetu sanguis, uritur corpus, scintillant oculi, dolet oppressum caput, cuncta fiunt pacatiora; hæc omnia, brevi suo robore suffocatus æger procumberet. Sic augeat minuitve morbum intempestiva vel opportuna sanguinis emissio. At venæ sectionem postulet morbus aut morbi causa; nùm indiscriminatim è quocumque vase sanguis extrahendus? Nequaquam. Antiqui jam pro re natâ, variiqûe rerum circumstantiis, diversa corporis aperienda vasa diligenter annotaverant. Morbo cuique, cuique visceri sua propria & peculiaris aderat vena, in quâ sectio peragenda. Inutilis quidem & inepta sedulitas, iis tamen facillè condonanda, quibus incognitus aut saltem dubius maximè circuitus sanguinis. Nec talis omnino rejicienda methodus, quin potiùs detectis penitiùs naturæ mysteriis, novam circulatione præferente faciem, emendanda. Sux sunt sanguini, sicut & cæteris liquoribus, leges ad quarum normam moveatur. Vasorum propter anastomosim quodcumque sectioni subjiciatur vas, semper è totâ falsâ peragitur evacuatio, ratione tamen & effectu dispari; vel enim imminuit quibusdam in partibus resistentiâ, eò fertur majori quantitate, quâ data porta, sanguineus latex; vel eadem auctâ in aliquâ parte, ab hac ruit abundantius ad alias sanguis. Hinc derivatio & revulsio, cognita jam ab antiquis nomina, ingens recentioribus disputandi argumentum. Requiritur sapiùs ex affectâ parte revulsio, nec suus deest derivationi locus. Hinc pro variâ sede mali diversis secantur in partibus venæ, & prudenti aut temerariâ brachii, colli, pedisve electione tollitur malum aut ingravescit. Nec, cognitâ morbi naturâ, perspectisque motûs & circuitûs sanguinis legibus, aptum venæ-sectioni tempus locumque sufficit assignasse; sua cuique servanda sanguinis emittendi copia, quam non corporis pondus & moles, ratio sola determinat. Sanguinis ipsa quantitas, si non absoluta, saltem relativa, dignoscenda Medico. Pro variis ætatibus, varia sanguinis copia: nullus est in Medicinâ adeo peregrinus, qui ab infantulo aut seniori tantûdem sanguinis audeat educere, quantum ab homine vegeto. Sed nùm varia est pro diversâ corporum habitudine sanguinis quantitas? Duo ponantur homines, quorum alter pinguis, alter verò macer; ætas eadem, eadem sit utriusque magnitudo; æqualis, an diversa sanguinis in utroque moles? Magni momenti & altiori digna indagine quæstio: quò quis enim magis dives est aut egenus sanguine, eò liberalior ipsi aut parcius præscribenda est sanguinis missio.

I I.

SANGUINIS per vasa fluentis quantitas absoluta si quâcumque viâ detegi posset, brevi tota solveretur quæstionis difficultas. Ut quàm grave sit illud & arduum satis evincunt secum omnino pugnantes sententia. Hi sanguinei laticis tantoperè copiam extollunt, ut in homine centum & viginti libris gravi (a) ad centum usquè libras hanc arbitrentur ascendere; eandem illi ita deprimunt, ut non ultrâ octo decemvè libras (b) perducì contentant. Immenso vixque credibilis opinionum diversitas! Quid mirum si eâ de re nihil sit certum, definitum nihil?

(a) Keil.

(b) Moulin.
Hævus.

Prioris Author opinionis D. Keil hanc experimentis conatur asstruere. Fistulæ intestinalis, mesenterique partem, injectâ priûs ligaturâ præcipuis quibus irrigatur vas, amputat: ipsius pondus diligenter expendit. Mox solutis vinculis, sæpius ablundo abstergit sanguinem, partem exsiccat, exsiccatamque rursus appendit. Cognito sic tum humidæ tum exsiccatæ partis pondere, cognitâque pariter totius corporis gravitate, tres exurgunt proportionis arithmeticæ termini, quorum ope quartus, nempe totius corporis exsiccati pondus, atque adeo, ut ipsi videtur, totius sanguinis quantitas innotescit. Quàm caduco & fragili innitatur fundamento totum hoc systema, res ipsa demonstrat. Sic enim non tam sanguinis ipsius, quàm univerforum quibus scater animale corpus, humorum quantitas detegitur. Suum hic symbolum confert lymphæ copiosa moles, suum conferunt humores omnes excrementitii; quin & venit in partem ponderis pinguedo, & illa, quæ ad fibrarum tuendam flexilitatem inservit, humiditas. Quæ quidem omnia sanguinis nomine quis velit insignire? Solus ille verus ac genuinus sanguis est, qui rutilo colore conspicuus ab arteriis per venas sanguineas ad cor continuo ductu reducitur; quem è sectâ proflientem venâ vides émicare; qui demùm, etsi partibus constat heterogeneis, perpetuo subactus motu, rubicundum refert homogenum laticem.

Insidum illud tentamen; alteram alii tentavere methodum; hinc priori contrarius error. Ingenti rupto canali sanguineo hæmorrhagiâ perit homo, colligitur sanguis effusus & appenditur; vel cuiusdam animalis arteria cruralis aperitur, quâ extracto quantum potest educi cruore & appenso, totius sanguinis notum esse pondus fuerunt arbitrati. Quam ne quis audeat conclusionem impugnare, vasorum commercium & inosculacionem, quâ sanguinem ex se invicem excipiunt, in auxilium advocat. Hac quidem anastomosibus ab ipso Medicinæ Principe Galeno (c) cognita, absit ut in dubium hodiè revocetur. Sed ideòne concludendum nobis ex aperto vase sanguinem effluere, donec omnis exhauriatur? Minimè gentium. Carnæ partes, quibus maximè constat corpus, absterlo per injectam sæpius aquam sanguine, rubrum exuunt colorem induuntque candidum; rubeus igitur mulciformis color à sanguine contento. At in secandâ animalis quâcumque venâ aut arteriâ, quantamliber diligentiam adhüberis, etsi levi rimulâ diuturno tempore sanguinem eduxeris, nihilominus mortui animalis carnes rubeum adhuc colorem referunt: vasis quidem aperti cum cæteris omnibus commercium est, his tamen semper sanguinis aliquid hæret affluxum. Et sanè mirari defines, si incredibile vasorum perpexeris tenuitatem Lowenhoeckii observationibus confirmatam, talemque in corporis partibus singulis numerum, ut ne summa cutis acu tenuissimâ pungi possit, quin statim sanguis effluat. Sanguis igitur per adeo tenuia reptans vasa, non illicò redit ad cor, indè per vas apertum propellendus; immensa ipsius in corpore superest adhuc moles, extractaque quantitas mirum quantum à verâ recedat. Longius tamen distat adhuc à vero calculus, quò majus vas, sectio major, promptioreductio. Sanguis per vas adaperitum nequit effluere, nisi vigente circuitu, à partibus ad cor, à corde ad partes, perpetuò deferatur. At si majus vas majori aperiatur sectione, vehementi sanguis erumpit impetu, collabuntur majora vasa, deficit cessatque circulatio, remanente tamen magnâ adhuc sanguinis in corpore quantitate. Præterea quò minor est in aliquo vase resistantia, ad illud majori copiâ sanguis propellitur. At sectâ crurali arteriâ, imminuuntur obices in hac parte, copiosius ad hanc sanguis irruit, parcius

(c) Συναρτήματα αἱ ἀρτηρίαι καὶ φλεβὴ καὶ ὅλε τὴ στήνα, καὶ μεταπλαστικὸν ἔστι τὸ αἷμα πρὸς τὰ ἀναστόμωσι जुन-गुनुर अस्तिः वेनिस परे तोरुम corpus, & excipiunt ex se invicem sanguineta. Galen. de usu part. lib. 6.

ad cæteras omnes: defraudatur ergò sanguine cerebrum, deficiunt hujus visceris vasa, succi nervei definit secretio atque distributio, peritque proinde cordis motus. Hinc sistitur sanguis, ipsiusque, etsi non exhausti, cessat effluxus. Contrà verò vas sit exiguum, parva sectio; paulatim cruor elabitur, prout detrahitur sanguis, sensim coarctantur vasa, non fatiscunt, non elaterio privantur, diù remanet circulatio, multòque abundantior sanguis effluit. Cuncta hæc satis confirmant lentæ sed diuturniores hæmorrhagiæ, quibus incredibilis sanguinis quantitas fuit amissa. Sic aliis decem, aliis viginti, nonnullis triginta sanguinis effluxisse libras referunt Schenkii, Brassavolus, Th. Bartholinus, Marcel. Donatus, Lowerus & alii plures. Sic Bambergæ (dy Jesuita nomine Fred. Fuhrman quatuor diebus quadraginta sanguinis libras lavâ nare amiserat. His ergò similibusque patet experimentis corpori multò plus inesse sanguinis, quàm ex apertâ capaci quâcumque arteriâ potest extrahi.

I I I.

AL L A T U M tentamen utrumque mancum, fallax utrumque. In hoc multò minor, in altero major multò, quàm quæ reverà est, tribuitur animali cruoris copia. Hinc absoluta sanguinis quantitas naturæ mysterium est, densâ obvolutum adhuc caligine. Sed relativam ejusdem quantitatem ne desperens malè credulus posse deprehendi. Certæ sunt ac determinatæ leges; quibus velut æquâ lance judicari possit è duobus hominibus uter utri sanguineâ mole præponderet. Si enim occurrat in altero quiddam sanguinis generis potest conferre, si capaciora sunt sanguinea vasa, si demùm quicunque è majori sanguinis copiâ sequi solent effectus animadvertuntur, in altero verò reperiuntur contrariâ, rectè poteris inferre in hoc minorem quàm in illo sanguinis adesse quantitatem, proindeque pariori manu venæ-sectionem esse celebrandam.

At macilentos diligenter inspicias velim. In his valentissima sunt omnia, materiâ solidiori constant organa, ampla venarum capacitas, musculi firmissimi, acuti sensus, uno verbo partium singularum functiones fortius, vividius, liberius exercentur. Undenam tot oriuntur phænomena, nisi à sanguinis quantitate? Ad hanc præcipuè confert chylus abundans, sincerus, & elaboratus, qui nunquam conficitur, nisi organorum quibus alimenta concoquuntur, vividæ actioni adiutrix accesserit succorum digestivorum virtus & energia. In macilentis adsunt illæ requisitæ è mutuo liquidorum solidorumque concursu conditiones: uberior indè, perfectior, & ad novam transformationem velut aptior, chylus. Hic sanguinis petit alveum, cordis, arteriarum & præcipuè pulmonis actione in sanguinem convertendus. In gracilibus autem cor fortiter sese contrahit, validius micant arteriæ, major est, liberior & æquabilior quàm in obesis respiratio, tota denique sanguificationis officina majori pollet robore; hinc faciliior, promptior & perfectior hæmatosis. Quanta macilentorum vis & agilitas in agendo! Quantum in longo & laborioso operi perferendo robur! Causam postulas? Nullam præter sanguinem & spiritus animales quæheris. Undè major & vividior arteriarum pulsatio, nisi à majori & vividiori cordis contractione? Hujus porro contractionis in corde causa determinans sive stimulus est sanguis in cordis thalamis irruens, efficiens verò succi nervei influxus, qui ipse à sanguinis copiâ pendet. Macilentorum inspicie cadavera; quàm rubicundi musculi! Rubedinis causa, major sanguinis quantitas. Hanc indicat ratio, experimenta probant, confirmant Medicorum observata, Christiana (a) vasis temperamenti gracilis intrâ breve tempus 28. cruoris libras narratur amisisse. Ma-

(a) Vid. Diarium eruditior. Paris. 1681. mensis Augusti.

(a) Schenkii.

cilens (*b*) adolescens quinque & viginti annos natus, decem dierum spatio, quinque suprà septuaginta sanguinis libras naribus emisit. Quin & ipse fatetur D. Keil tenuioris habitus homines quælibet sanguinis profluvia facilius quàm obesos posse sustinere. Undè, ut nos inferimus, ipsi naturaliter fuerat inferendum, maiorem in macilentis quàm in obesis sanguinis adesse copiam.

(b) Eruditor.
Ad. Lips. Ann.
1698.

Succi nunc plenior intueamur hominem, quàm diversa corporis conditio! Difficilem trahit ægrè spiritum; tardigradus, ac pede malè firmo incedit anhelus; immensâ ponderosi corporis velut obruta mole gemunt labantque genua, minimoque motu defatigatus sudoribus totus diffuit. Frequens ipsi vixque ineluctabilis à pastu in somnum propensio, capitis gravitas, sensuum hebetudo, totius corporis segnitie. Onerosa tandem nonnunquam ex improvviso corporis massa ruit, non oppressa sanguine, sed fatiscentibus liquidorum energiae defectu solidis, subito deficiens. Undenam, quæso, remissa & enervis illa organorum omnium laxitas? Sanguinis penuriam agnosce. Hujus imminutio plus & in canalibus laxitatis, & in toto corpore debilitatis assert, quàm cujuslibet alterius humoris deperditio. Indè debilius in obesis vitæ robur, promptior gangrenæ (*c*) sphacelique progressus. Eundem sanguinis spirituumque à sanguine fecernendorum defectum comprobant infirmiores quàm in macilentis vires, promptaque defatigatio, cuni spatiosam moliantur gravidæ corporis amplitudinem. Et sanè minorem sanguinei laticis copiam satis arguunt exilia (*d*) exinanitaque vasa, quæ sub pinguedine videntur evanescere; undè tanta, quoties ipsis secunda vena, difficultas. Sed ad quid tot argumenta? Unicum, cæterorum omnium ad instar, rem aptè demonstrat. Fluxum menstruum, malum illud utile, à plethorâ dependere præcipuus inter cæteros Cl. Freind comprobavit. Hinc pro diversâ sanguinis quantitate varius est: Minor in puellâ, dum corporis incremento liquores inserviunt; major ætate vigente, redundante sanguinis copiâ; ætate verò paulò proveciori, dum organa debiliora pauciores rubras conficiunt partes, parciore minùsque copiosus. At mulieribus macilentis abundantiora effluere, frequentioraque recurrere menstrua experientiâ fuit (*e*) compertum. Si quis autem sudoribus aut sputis sine damno multum humoris reddat, nonnè infertur serofos humores in eo redundare? Eadem igitur ratione concludendum multum ibi sanguinis inesse, undè multum deperditur, parum, undè parcius fluit; proindeque minorem in obesis quàm in macilentis adesse sanguinis quantitatem.

(c) Hoffmann.
Dissert. de Corp.
dissposit. ad morbos.

(d) Fernel. de
venæ-sectione.

(e) Vid. Hipp.
Frenod. Hoffm.

I V.

IN peragendis, quas morbi præsertim acuti postulant evacuationibus, hanc certam inviolabilemque servari debere legem, ut repletum humorum redundantia respondeat evacuatio, nemo sanus non animadvertit. Quantò magis autem requiritur illud in instituendâ venæ-sectione, vacatione omnium maximè subitanæ, quâ naturæ robur gravissimè solet infringi. Mechanicis demonstratur legibus, corporis animati vires in triplicatâ sanguinis imminuti ratione decrescere, ita ut si media detrahatur sanguinis copia, octava suarum virium pars corpori tantummodò superlit. Ut propositionis veritas illucescat de promptam è mathesi longam argumentorum seriem exhibere non sinunt limites Theæos angustiores. Satis sit indè patere, obes, quibus debiliores sunt vires minorque sanguinis quantitas, parciorem præscribendam inesse venæ-sectionem. Quod quidem effatum, ratione & cognitione temperiei tum in obes, tum in gracilibus confirmatum, nedum præcitis repugnet observationibus, ab ipsis firmitus adhuc & certius evadit. Morbis acutis, qui sanguinis copio-

giorem requirunt educationem, multò frequentius graciles tentari quàm obesos quotidianà comprobatur experientià. Id diversa fibrarum postulat conditio, cùm in his inertia sint & velut atona solida, in illis verò tensa & ad erethismum concipiendum magis idonea. At idem morbus, eadem omnino febris multò copiosior in macilentis indicat quàm in pinguibus sanguinis missionem. Ab ipsis Medicinæ primordiis hanc evacuationem in usum advocare Medici, ut immutato naturæ robore, pacatâque partium omnium constrictione, (Erethismum vocant) morborum sedaretur vis & impetus. Quò igitur violentior morbus, major erethismus, eò copiosior venæ-sectio, quam parcior em indicant ejusdem morbi minor impetus, erethismus remissior. Sed acuto decumbat morbo vir siccus & gracilis, quanta symptomatum omnium violentia! Durus, istuque vehementi pulsus arietans tensi funis duritiam tangenti digito videtur referre: arescit ferventi deustum calore corpus, ignitum crederes: faucium & linguæ vergit in nigredinem ariditas: ignei scintillant oculi: pungit capitis dolor acutissimus, undè delirium, imò phrenitis: aliquandò flammea, sæpè tenuis & limpida, pauca semper urina redditur: constringitur alvus siccitate: uno verbo suppressæ secretiones, expirati fervor aeris, sitis intensissima, & quæcumque obversantur in ægro symptomata, erethismum ad summum usque gradum devenisse satis indicant. Hunc citò accersit & advocat partium omnium naturalis siccitas & tensio; hunc, nisi largâ manu sanguinem eduxeris, nunquam feliciter poteris compefcere. At obesum acutus occupet morbus, rerum nova facies exurgit, tranquilliori serpit pede malum, nec tanto furore defævit erethismus. Acutissimas inter ægritudines, quæ terris incubuere, cerebrâ metuenda strage peripneumonia; hæc dum aggreditur obesum feroces animos videtur mitigare. Calor urit præternaturalis, sed non ita intensus; major adest pulsus frequentia, at plenitudo duritiesque minor. Aliquandò parcam post sanguinis detractionem laxantur fibræ, remittit vasorum tensio, eorum restituitur flexilitas, libero alveo cursum suum peragit sanguis, expectata sequitur bilis cæterorumque humorum secretio, secura sanitatis assertrix; sputorum facilis fit expectoratio, sudores evehuntur, urina spissior profluit abundantius, sæpè spontè solvitur alvus bonis ægri rebus. Quid plura? In pinguibus materiâ turgente vasa lymphatica potiùs quàm sanguinea redundant: testes anhelitus, gravedo pectoris, & oneroso velut impedita pondere respiratio. Tunc sanguinem incautè nimium ne detrahas; non morbi, sed naturæ frangerentur vires, quibus materiæ morbificæ molitur expulsiõnem. Quin potiùs nonnunquam sollicitanda vasorum actio, quâ attrita & subacta viscidis somitis compages feliciter eliminetur. Hinc palmarium tunc temporis remedium Kermes minerale cujus irritante stimulo, dum lævit erethismus, gravissimè læderetur sensibilis pulmonum fabrica. Nec minùs sævum minisque crudele peripneumoniâ malum est, dolosè corporis arcem tacitis oppugnans assultibus febris maligna. In macilentis siccisque corporibus terribili stipata symptomatum catervâ, vigilias, spasmos, delirium, furorem accersit; obesos verò pacatiùs solet aggredi. Gravatum dolet obtusè caput; sensuum hebetudinem, torporemque corporis excipit tranquillo simile somno coma vel lethargus. Scilicet inertis liquidorum mole vitæ motuumque principium opprimitur. Hanc repetitâ nimium sanguinis missione frustra tentares educere: molle flaccidumque viscus, viribus amissis, sub pondere fatisceret cerebrum; & nedum exsuscitaretur, irrevocabili somno dormiret ægrotans: Attenuatâ, vividâ Cantharidum actione, spissiore cerebri lymphâ, ad vitam revocatur. Quàm igitur cautè, quàm prudenter præscribenda sit in obesis missio sanguinis ex his acci-

pe. At rem demonstrat adhuc evidentiùs proteus ille morbus, variolosa febris. Noxii variolarum fermenti citatiori sanguinis motu & fibrarum actione natura molitur eliminationem. Si temperatus, faustus & utilis nifus ille natura & omni artis molimine tuendus; violentior verò sapienti compescendus freno; tardior, calcaribus urgendus & sollicitandus: unde propter varias indicationes Medicorum methodus in curandis variolis diversa, quoad principia similis. At in pinguibus tardior circuitus sanguinis, vires solidorum languidiores; hinc lentior, (a) & sapiùs infelicioz quàm in macilentis variolarum eruptio. Quis sanguinem largâ manu tunc profundere audeat, debilemque & ferè imparè perficiendæ depurationi naturam magis adhuc labefactare? Quis è contrâ præfentiffimum in macilentis à violentâ febre, & crethifmo vividiori vitæ periculum iteratâ venæ-fectione citò non avertat? In his morbus idem, diversa violentia morbi, diffimilia symptomata, hinc non eadem sanguinis emittendi quantitas, parcior in obesis, copiofior in macilentis.

V.

NOSTRAM opinionem quot comprobant argumenta! Ad hanc tuendam ratio, cognitio temperamentorum, sanguinis quantitas, debilitas in obesis major, cruoris difficilior reproductio, & quod præcipuum est, præticæ Medicorum observationes videntur conspirare. At gravioris etfi momenti rationibus confirmata, nulla non adversarios & impugnatores sententia solet experiri. Erunt fortasè qui diversam à nostrâ conclusionem velint asseruere. Nonnè enim, inquit, abundantiorè sanguinis copiam, atque adeò largiorem venæ-fectionem indicant apoplexiæ afflatus, ad minimum motum pectoris suffocatio, vasa in pulmonibus disrupsa? Minimè sanè. Hæc enim omnia possunt contingere reveràque contingunt, quamvis minor sit in pinguibus quàm in macilentis sanguinis quantitas. Quando in homine aliquo major est pro corporis habitudine cruoris copia, quàm ut organa ritè munus suum absolvant, tunc corpus plethorâ dicitur laborare. At talis plethora ab absolutâ sanguinis quantitate non pendet; imò quis, etfi minori copiâ sanguinis donatus, plethorâ malè potest affici, dum alter majori cruoris massâ pollens eamdem nullo modo persentiscit. Duo sint homines, quibus par vasorum capacitas, idemque sanguinis hæc vasa percurrentis volumen. Ex his alter ità sese poterit habere, ut vasorum fibræ ad eam tantum tensæ sint normam, quæ, ut suis perfectè fungantur officiis, necessaria est; tunc à sanguine nihil erit incommodi, nulla aderit plethora: alter contrâ in ultimum plethoræ discrimen adducitur, quippe cui fibræ sint delicatiores, & ad impellendum sanguinem minus idoneæ. Fibrarum adeest tensio rupturæ proxima, distractioque violentior, ut liberè munera corporis exercentur. Sed si huic angustiora quoque sunt vasa, ut reverà sunt in pinguibus, licèt idem sit eorum numerus, eademque distributio, quædam poterunt occurrere symptomata, quæ magnam cruoris copiam, largioremque venæ-fectionem minus oculatis videbuntur indicare, sed quæ viro verè Medico nunquam fucum facient. Sanguis, ut omne liquidum, semper edfertur ubi minores obstant obices; in pinguibus igitur ad partes pinguedinis expertes, quale est cerebrum deferetur. Hinc apoplexiâ sæpiùs intereunt corpulentiores, eoque magis quòd eorum vasa nimium laxa ingurgitentur facillè, & sanguinem, sub cuius, etfi leviori, pondere natura fatiscit, repellere nequeant. Hinc tanta ad somnum propensio, cuius pinguedo causa, sicut & vice suâ somnus (b) adauget pinguedinem. Ab eadem quoque repetenda

[a] Nenterus
Fund. Medic.
Theoric. Pract.
Tom. 2. pag.
344.

(b) Tota mihi dormitur hyems & pinguior illo

Tempore sum, quo me nil nisi somnus alit. Mart. Epigr.

maximè causâ spirandi difficultas, vasorumque pulmonalium disruptio. Mirum quantum vulgus aberrat à vero. Incidat obesus in morbum cui depellendo necessaria videatur sanguinis missio: turò, inquit, potest sanguis educi, habet undè solvat. At frequenter & abundè præpingui mittatur sanguis, quid accidit? Deperdito naturæ subsidio unâ cum ægritudine sæpenumero jugulatur ægrotans. Ubi ergò sanguinem obesis detrahare expedit, ne finas uberiorem effluere, parvis verò intervallis sistè nonnunquam effluxum, ut vasis naturâ suâ mollibus & flaccidis sese contrahendi tempus concedatur. Nobis forsitan objicies quandoquè contingere ut pingues tam scemina quàm viri sanguinis multum deperdant, hi nempe hæmorrhoidibus, illæ verò fluxu menstruo. Id quidem ultrò fatemur. Sed undenam sanguine pleniores sunt? Quia nimirum aut lautè viventes sese cibis ingurgitant, aut quia sub tectis degentes & in umbrâ nullo leviorive motu exercent corpus; cumque contrariæ contrariorum sint rationes, nil mireris si macilentæ viragines nonnullæ miserè victitantes durisque exercitiæ laboribus, parcè aut rarò experiantur menstrua. Nostræ favet opinioni, nedum adversetur, hæc observatio. Parcior his accidit fluxus, quia laboribus & exercitio liquorum pars avolat, nec ea sanguinis colligitur copia, quæ solitis menstruis possit sufficere; à sanguinis enim quantitate menstruorum frequentia & abundantia. Sed cum in genere frequentiora & copiosiora sint in macilentis quàm in obesis menstrua, & multiplicis generis rationes, observationesque certissimæ, illis quàm istis majorem sanguinis esse quantitatem comprobent, rectè concludimus.

Ergò parcior Obesus, quàm Macilentis Sanguinis missio.

DOMINI DOCTORES DISPUTATURI.

<i>M. Joannes le Thieullier.</i>	<i>M. Ludovicus - Renatus Desbois.</i>	<i>M. Franciscus Pouffe.</i>
<i>M. Jacobus Verdelban des Moles.</i>	<i>M. Carolus - Ludovicus Liger.</i>	<i>M. Thomas - Bernardus Bertrand.</i>
<i>M. Claudius Peyron ; Alistus Præses.</i>	<i>M. Joannes - Stephanus Guettard, Regiæ Scientiarum Academiæ Socius, Censor Regius, & Serenissimi Aurlanensium Ducis Botanici.</i>	<i>M. Camillus Falconet ; Salubris Consilii Regiæ Socius & Regiæ Inscriptionum & Numismatum Academiâ.</i>

Proponebat Parisiis STEPHANUS-LUDOVICUS GEOFFROY,
Parisiinus, Saluberrimæ Facultatis Medicinæ Parisiensis Baccalaureus, A. R. S. H. 1748, à sextâ ad meridiem.

Typis QUILLAU, Universitatis & Facultatis Medicinæ Typographi, 1748.